

heus heus Aeschinus ego sum : aperite aliquis actutum
ostium.

prodit nescioquis : concedam huc.

635

v

MICIO AESCHINVS

MI. Ita uti dixi, Sostrata,
facite ; ego Aeschinum conveniam, ut quomodo acta
haec sunt sciat.

sed quis ostium hic pultavit? *AE.* pater hercle est :
perii. *MI.* Aeschine,

AE. quid huic hic negotist? *MI.* tune has pepulisti fores?
5 (tacēt. quor non ludo hunc aliquantisper? melius est,
quandoquidem hoc numquam mihi ipse voluit credere.) 640

nil mihi respondes? *AE.* non equidem istas, quod sciam.

MI. ita? nam mirabar quid hīc negoti esset tibi.

(erubuit : salva res est.) *AE.* dic sodes, pater,
10 tibi vero quid istic est rei? *MI.* nil mihi quidem.

amicu' quidam me a foro abduxit modo

645

huc—advocatum sibi. *AE.* quid? *MI.* ego dicam tibi :

habitant hic quaedam mulieres pauperculae ;

ut opinor, eas non nosse te, et certo scio,

15 neque enī diu huc migrarunt. *AE.* quid tum postea?

MI. virgo est cum matre. *AE.* perge. *MI.* haec virgo 650
orbast patre ;

hic meus amicus illi genere est proximus :

huic leges cogunt nubere hanc. *AE.* perii! *MI.* quid est?

AE. nil : recte : perge. *MI.* is venit ut secum avehat,

20 nam habitat Miletī. *AE.* hem virginem ut secum avehat?

